

# **REFERAT NNA - Nuummi Najukkami Ataatsimiititaq d. 09-04-2019**

**Mødedato** Tirsdag d. 09. april 2019 kl. 20:30

**Mødested** Ataatsimiittarfik 1

# Indholdsfortegnelse

Saqqaa.....	3
Ullormut oqaluuserisassat akuerineqarneri.....	4
Nalunaarutit.....	5
Ilisimatitsissutit.....	6
2019-imi aningaasaliissutit atugassanngortinneqarsimasut pillugit killiffik.....	7
Aalajangiiffigisassat.....	9
Siunnersuut – Najukkami ataatsimiititaliamut sammisassanik pilersaarummik suliaqarnissaq.....	10
Siunnersuut – Interaktiv Park.....	11
Mittarfik pillugu oqallinneq.....	13
Najukkami Ataatsimiititaliaq pillugu Facebookikkut nittarsaassineq.....	14
Qinnuteqaat – Nordisk Koncertkor (Nunani Avannarlerni Erinarsoqatigiit).....	15
Qinnuteqaat – Nunani Tamalaani Katersugaasiviit Ulluat.....	17
Qinnuteqaat – Nuuk Nordisk Kulturfesitval 2019.....	19
Qinnuteqaat - Uanga Timera Projekt.....	21
Qinnuteqaat – Sisorarfiit, illiniliuygut.....	23
Qinnuteqaat – Chefs in Residence, Sermersuumi Inuussutissarsionermut Siunnersuisooqatigiit.....	24
Qinnuteqaat – Suliniut Law Shifters, Nuummi Eqquiitsulianik Saqqummersitsivik.....	26
Taasariaqartut allat.....	28
Imaqarniliap akuerineqarnera.....	29

# **Punkt 1: Saqqaa**

**Ileqquusumik ataatsimiinneq**

**Nuummi Najukkami Ataatsimiititaliaq**

**Oqaluuserisassat**

**Marlunngorneq, ulloq 9. aprili 2019 nal. 16.30-18.30**

**Ilaasortat**

Nivi Katrine Christensen

Arnarissoq Fleischer

Moses Masik Marcussen- Mølgaard

Ujammiugaq Engell

Poul Petersen

Finn Meinel

Aviaq Brandt

Nadia Aviaq Olsen

”Ari” Hansine P Rasmussen

Naleraq Eugenius

**Pisinnaanatik nalunaartut**

Aviaq Brandt

**Aggersarneqarput**

Esmar Bergstrøm

## **Punkt 2: Ullormut oqaluuserisassat akuerineqarneri**

### **Beslutning**

Ullormut oqaluuserisassat taamatut isikkoqartillugit akuerineqarput.

## **Punkt 3: Nalunaarutit**

### **Beslutning**

Najukkami Ataatsimiititaliami ilaasortat qinnuivigineqarput Najukkami Ataatsimiititaliat ullut 10. aamma 11. juni Hotel Hans Egedemi ataatsimut isumasioqatigiinnissaanni peqataanissamut periarfissaqarnerlutik allaffeqarfimmut maannakut nalunaaqqullugit.

Paamiuni, Tasiilami Ittoqqortoormiini Najukkami Ataatsimiititaliani ilaasortat peqataassapput.

## **Punkt 4: Ilisimatitsissutit**

## Punkt 4A: 2019-imi aningaasaliissutit atugassanngortinneqarsimasut pillugit killiffik

### 4A: 2019-imi aningaasaliissutit atugassanngortinneqarsimasut pillugit killiffik

Nuummi Najukkami Ataatsimiititaliaq 2019-imi katillugit 4.225.000 koruuninik atugassinneqarpoq. Tamatuma saniatigut inunnut qulinut qaammammut 2.124 koruuninik akissarsiaqartitsinissamut taakkunanga ilanngaasoqartassaaq, tassa ukiumut 255.000 koruuniussapput.

Taamaalilluni Najukkami Ataatsimiititaliaq 2019-imi 3.970.000 koruuninik aningaasaliissutinik atuisinnaavoq.

2019-imi aningaasaliissutit atugassanngortinneqarsimasut pillugit aprilip aallartinnerani killiffiat imaappoq:

Aningaasartuutit	Aningaasat akuerisat koruuninngorlugit	Aningaasat atorineqartut/kr. <a href="#">[1]</a>
Ataatsimiinnermi sutugassaqartitsineq		2010
Nuummi apummik ilusilersuineq.	120.000 koruunit tungaannut aningaasaliissutigineqarput	110.773
Oqaluttuarisaaneq pillugu allagartalersuutit	20.000 koruunit tungaannut aningaasaliissutigineqarput	6.000
Qiajuk Studio – Nuummi innuttaasunut qitittarfimmik pilersitsinissaq pillugu filmimik takutitsineq oqallinnerlu	10.000	10.000
René Design – paasissutissanik naqiterinermut	8.762	8.762
Arsaattarfii eqqaanni qullilersuineq ungalulersuinerlu  (Maluginiagassaq Suliassaq naammassippat aatsaat tunniunneqassapput)	152.990 kr.	0

Qinnuteqarnek – Meqqaanut sumiginnakkanut angalatitsineq, Meeqqat Ikiortigit	12.025	12.025
<b>Katillugit</b>	<b>323.777 kr.</b>	<b>149.570 kr.</b>

<b>Aningaasat atorsinnaasat</b>	<b>Atuineq:</b>	<b>Atorsinnaasat:</b>
<b>Kr. 3.970.000</b>	<b>Kr. 149.570 kr</b>	<b>Kr. Kr. 3.820.430</b>

### **Inassuteqaatigineqarpoq**

Inassuteqaatigineqarpoq:

- Ilisimatitsissut tusaatitut tiguneqassasoq

---

[1] Suliniutinut ataasiakkaanut inaarutaasumik naatsorsuusiata sillimaffigineqassaaq. Aningaasat atorneqanngitsoortut Najukkami Ataatsimiititamut utertinneqassapput

### **Beslutning**

#### **Aalajangiineq**

Paasissutissiineq tusaatissatut tiguneqarpoq

## **Punkt 5: Aalajangiiffigisassat**

## **Punkt 5A: Siunnersuut â€“ Najukkami ataatsimiititaliamut sammisassanik pilersaarummik suliaqarnissaq**

### **5A: Siunnersuut – Najukkami ataatsimiititaliamut sammisassanik pilersaarummik suliaqarnissaq**

Ulloq 26. marsi 2019 Najukkami ataatsimiititaliamut ilaasortaq Arnarissoq Fleischer ullormut oqaluuserisassamik Najukkami ataatsimiititaliamut ukiumut ataasiarluni sammisaqartitsisarnissamik siunnersuuteqarluni nassiussaqqarpoq.

Arnarissoq Fleischer kissaatigaa, Najukkami ataatsimiititaliap siunissaq eqqarsaatigalugu innuttaasut akuutillugit tigusaasumik sammisassaqqartarnissamut pilersaarummik suliaqarnissaq oqaluuserissagaa.

#### **Allatseqarfimmit oqaaseqaatit:**

Siunnersuut allatseqarfimmit taperserneqqarpoq aammalu sammisaqarnissamut pilersaarutip imaluunniit anguniakkatut siunniussat sulluunniit pilersaaruseriorlugit sulissutiginnissaannut ikiorsiumasoqqarpoq. Assersuutigalugu Najukkami ataatsimiititaliap qinigaaffiup atuunnerani illoqqarfiup immikkoortuini tamani innuttaasunik akuutitsilluni suliniummik anginerusumik ingerlataqarnikkut anguniagassamik siunniussaqqarnikkut.

#### **Inassutigineqqartoq**

Inassuteqaatigineqqarpoq:

- Nuummi Najukkami ataatsimiititaliap Najukkami ataatsimiititaliamut sammisassatut pilersaarummik siunnersuut oqaluuserissagaa

#### **Ilanngussaq**

Soqanngilaq

### **Beslutning**

#### **Aalajangiineq**

aalajangerneqqarpoq tamanna pillugu ataatsimut sulilluni ataatsimiinnissamut aggersaasoqqassasoq.

Siunnersuuteqqartoq Arnarissoq Fleischer qinnuivigineqqarpoq sulilluni ataatsimiinnissamut aggersaaqqullugu.

## **Punkt 5B: Siunnersuut – Interaktiv Park**

### **5B: Siunnersuut – Interaktiv Park**

Najukkami Ataatsimiititaliamut ilaasortaq Naleraq Eugenius ulloq 29. januaari Nuummi interaktiv Parkeqalernissaanut (isiginnaartut peqataatinneqarlutik eqqumiitsuliaq) eqqartuinissamut siunnersuuteqarpoq. Nuummi Najukkami Ataatsimiititaliap ileqquusumik ataatsimiinneranni ulloq 12. februaari 2019, oqaluuserisassap kinguartinneqarnissaa aalajangerneqarpoq, oqaluuserineqarnerani siunnersuuteqartup Naleraq Eugenius-ip peqataanissaanut. Tamanna pillugu matumani ataatsimiinnermi ulloq 9. aprili 2019-imi oqaluuserisassaq saqqummiunneqarpoq.

Nuummi innuttaasut peqataatinneqarlutik eqqumiitsulianik teknologimillu nutaanik misigisaqarnissaat suliniummi siunertarineqarpoq, tamanullu saqqummersitsisoqarnissaa eqqumiitsuliaannaanngitsumik, eqqumiitsulialli aalasut isiginnaartut najuunneranit sunnertinneqartartut atorlugit saqqummersitsinissaq pilersinniarneqarpoq.

Suliniut nutaarluinnaasussaavoq, pissutigalugu illoqarfimmi atortorissaarutit atorlugit suli ikkussuisoqarnikuunnginnami. Naleraq Eugeniusip Teamlab attaveqarfigivaa, ilaatigut ilaqutariit meeqqallu pillugit atortorissaarutit atorlugit suliaqartartuupput. Teamlab suliniuteqarnermi suleqatissatut periarfissaasinnaavoq taamaalillunilu Naleraq Eugeniusip kissaatigaa periarfissaqarluarnerani suliniut maannakkut iliuuseqarfigineqassasoq: <https://www.teamlab.art/>

Atortorissaarutit ikkunneqartut atorlugit seqersinneqartartut tamarmik Teamlab-imit takutinneqartut inip angissusaa killiffiilu malillugit toqqartorneqarlutillu naleqqussarneqarsinnaapput. Ikkussuunneqartartut arlallit meeqqanut inuusuttunullu, aammali utoqqaanerusunut, assut tulluartaupput. Aaqqissuussamut unamminarsinnaasut tassaapput avatangiisit sumiiffillu naleqquttoq, taakku anguniakkanut killissarititaasunullu tunngatillugu ajunngitsumik atorneqarsinnaassapput.

Aaqqissuussaq mikisunnguamiit aallarteqqaarneqarsinnaavoq, tassani ini/avatangiisit pissarsiarineqarsinnaasut apeqqutaallutik. Suleqatigiissitamik pilersaarusiornermik suliaqarsinnaasumik japanimiunillu Teamlab-imik imaluunniit allanik eqqumiitsuliortunik ikkussuisinnaasunik suleqateqarsinnaasunik pilersitsinissaq pingaaruteqarlunnarpoq. Suleqatigiissitaq suleqatigisallu allat peqatigalugit missingersuusiortoqassaaq, tassani aamma suliniutip ineriartortinnissaanut piviusunngortinnissaanullu aningaasaateqarfinit allanit aningaasat atorneqarsinnaassapput.

#### **Oqaaseqaatit**

Kultureqarnermut Aaqqissuussinermullu Immikkoortortaq ima oqaaseqaatissaqarpoq:

Suliniut tunngaviatigut Immikkoortortaqarfimmit tapersorneqarpoq. Suliniut pissanganarlunilu nutaalierneruvoq, Nuup illoqarfiata aqquuserngini qiimmassaassaaq. Suliniut suliaralugu ingerlatinnarneqarnissaa aalajangiunneqassappat, Illoqarfimmik Inerisaaneq peqataatinneqassasoq innersuussutigineqarpoq. Matumani Aningaasaateqarfik Sermeq aqutugalugu qinnuteqartoqarsinnaasoq periarfissaasoq nalilerneqarpoq.

#### **Inassuteqaat**

Inassuteqaatigineqarpoq:

- Najukkami Ataatsimiititaliamit isiginnaartut peqataatinneqarlutik eqqumiitsuliamik aallartitsinissamut periarfissaq taassumalu aaqqissuunneqarnissaa oqaluuserineqassasoq

#### **Ilanngussaq**

1. Suliniut pillugu naatsumik nassuiaat

#### **Beslutning**

#### **Aalajangiineq**

Aalajangerneqarpoq suliniut suliareqqinneqassasoq aammalu soqutigisaqartut ingerlatsisullu allat suliamut attuumassutilinnik suleqatigiissitaliamik pilersitsisoqassasoq, tassunga ilanngullug Kulturimut Aaqquussisarnermullu Immikkoortortaarfik.

## **Punkt 5C: Mittarfik pillugu oqallinneq**

### **5C: Mittarfik pillugu oqallinneq**

Allatseqarfik 18. marsi 2019 Najukkami Ataatsimiititaliami ilaasortamit, Moses Masik Marcussen-Mølgaard-imit saaffiginnisummik tigusaqarpoq, taassuma siunnersuutigaa ataatsimiinnermi tullermi Nuummi mittarfiup inissisimanera pillugu Najukkami Ataatsimiititaliap atuuffia eqqartorneqassasoq.

Saaffiginnisummi ilaatigut ima allassimasoqarpoq:

*”Najukkami Ataatsimiititaliami ilaasortatut siunnersuutigaara, mittarfinnut aalajangernerit pillugit Najukkami Ataatsimiititaliami iliuuseqassanerluta eqqartussagipput. Qulequtaq pineqartoq innuttaasunut attuumassuteqarlunilu amerlavallaanut eqquisuummat arlaatigut peqataasariaqarpugut. Innuttaasut isumaat paasiniarneqaqqaaratik politikikkut aalajangiisoqartinnagu tulliani ataatsimiinnermi oqaluuserinissaa isumaqarpunga pisussaaffigigipput.”*

#### **Inassuteqaat**

Inassuteqaatigineqarpoq:

- Nuummi Najukkami Ataatsimiititaliamit saaffiginnissut eqqartorneqassasoq

#### **Beslutning**

##### **Aalajangiineq**

Aalajangerneqarpoq Najukkami Ataatsimiititaliaq mittarfik pillugu suliami ataatsimut isummaminik saqqummiissanngitsoq. Najukkami Ataatsimiititaliaq Nuummi mittarfik pillugu aalajangiisoqareenera pilersinneqarpoq, Najukkamilu Ataatsimiititaliaq taamaalilluni suliap ingerlanneqarnerani maannakkut ingerlanneqangaatsiareersumi piffissaagallarmat akuunissamat periarfissaqarnikuunngilaq. Nuummi Najukkami Ataatsimiititaliaq taamaammat suliami maannakkut akuuniannngilaq.

Tamassuma saniatigut eqqartorneqarpoq Najukkami Ataatsimiititaliap siunissami kissaatigigaa innuttaasut annertunerusumik peqataatinneqartarnissaasa suliniutigineqarnissaa kissaatigineqartoq, aammalu assersuutigalugu sanaartornermut aamma kommunimut pilersaarummut ilassutinut atatillugu maannakkut takuneqartartuniit allaanerusumik tusarniaasoqartassasoq.

## **Punkt 5D: Najukkami Ataatsimiititaliaq pillugu Facebookikkut nittarsaassineq**

### **5D: Najukkami Ataatsimiititaliaq pillugu Facebookikkut nittarsaassineq**

Najukkami Ataatsimiititaliap ulloq 11. marsi 2018-imi ataatsimiinnerani qanoq Najukkami Ataatsimiititaliap facebookikkut quppernera aqunneqassanersoq sunillu imaqassanersoq tulliani Najukkami Ataatsimiititaliap ataatsimiinnerani eqqartorneqarnissaa kissaatigineqarpoq.

Ilaatigut Najukkami Ataatsimiititaliap qaammammut ataasiarluni ileqqusumik ataatsimiinnerani quppernermi imarisassat aalajangiiffigineqartarnissaat siunnersuutigineqarpoq.

Najukkami Ataatsimiititaliap facebookimi qupperneq namminneq aqunnissaa akisussaaffigaa.

#### **Inassuteqaat**

Inassuteqaatigineqarpoq:

- Najukkami Ataatsimiititaliamit facebookikkut quppernermi Najukkami Ataatsimiititaliap nittarsaannissaa kiisalu siunissami facebookimi quppernerup aqunneqarnissaanut pilersaarut eqqartorneqassasoq

#### **Beslutning**

##### **Aalajangiineq**

Aalajangerneqarpoq facebook piffissami misileraaffiusumi atorneqassasoq. Nadia Aviaq Olsen piffissami misileraaffiusumi facebookimi quppernermut akisussaasuusaaq.

## **Punkt 5E: Qinnuteqaat – Nordisk Koncertkor (Nunani Avannarlerni Erinarsoqatigiit)**

### **5E: Qinnuteqaat – Nordisk Koncertkor (Nunani Avannarlerni Erinarsoqatigiit)**

Najukkami Ataatsimiititaliaq ulloq 7. marsi 2019 Nordisk Koncertkorimit aningaasanik tapiiffigineqarnissamut qinnuteqaammik tigusaqarpoq. Tusarnaartitsinissamut ”hvor himmel og hav mødes” (qilaap immallu naapinnerat) 100.000 koruunit qinnutigineqarput. Tusarnaartitsinissaq Nunat Avannarliit Nuummi Kulturisioqatigiinnerannut ilaavoq, tamannalu ulluni 7-13. oktobari 2019, Issittumi Sakkutooqarfiup umiarsuaataasa alapernaarsuutaasa ilaanni, ingerlanneqassaaq.

Qinnuteqaat malillugu tusarnaartitsinermi siunertaavoq:

*“Imaq qulequtaralugu tusarnaartitsinissaq, Maliina Jensen vertikaldanser (nunap nutsuina atorlugu qitittartoq) peqatigalugu, Issittumi Sakkutooqarfiup umiarsuaataasa alapernaarsuutaasa ilaanni, taamaaliornikkut Nuummi innuttaasut immikkuullarissumik tusarnaartitsinermik misigisaqartinneqassapput. (...) Suliniummi erinarsornikkut qitinnikkullu ataatsimoorluni immamut kiisalu Nunani Avannarlerni ataatsimuussusermik nersuineruvoq, nersuinermilu Issittumi Sakkutooqarfiup umiarsuaataasa alapernaarsuutaasa ilaanni ingerlanneqassaaq.”*

Katillugit marloriarluni takutitsisoqarnissaa kiisalu tusarnaartitsineq 200-nik isiginnaartoqarnissaa naatsorsuutigineqarpoq.

Uku ilanngussatut nassiunneqarput: qinnuteqaat, suliniummik nassuiaat missingersuullu.

#### **Aningaasaqarnermut Allatseqarfimmit oqaaseqaatit**

Nuummi Najukkami Ataatsimiititaliaq 2018-imi Nordisk Koncertkorimut 100.000 koruuninik, ukiortaami tusarnaartitsinermut, tapiissuteqarpoq.

#### **Inassuteqaat**

Inassuteqaatigineqarpoq:

- Nuummi Najukkami Ataatsimiititaliamit qinnuteqaat oqaluuserineqassasoq siunertamullu aningaasanik tapiissuteqartoqassanersoq aalajangiiffigineqassasoq.

#### **Ilanngussat**

1. Nordisk Koncertkorimit qinnuteqaat
2. Suliniummik nassuiaat
3. Missingersuut

#### **Beslutning**

##### **Aalajangiineq**

Nuummi Najukkami Ataatsimiititaliaq isumaqarpoq isumassarsiaq soqutiginaruusoq, oqaatigaluguli isiginnaartitsinernut marlunnut missingersuut qaffassissoq. Nuummi Najukkami Ataatsimiititaliap qinnuteqaat ilaatigut akueraa, neqeroorutigalugulu suliniutip ingerlanneqassappat 34.000 kr.-nik tapiissuteqartoqassasoq.

34.000 kr.-t taakku ukununnga atugassanngortinneqarput:

- Akissarsiat, Qitittartoq Maliina Jensen: 22.000,00

- Akissarsiat, Pattartartoq nipilersortartorlu alla: 12.000,00

# **Punkt 5F: Qinnuteqaat – Nunani Tamalaani Katersugaasiviit Ulluat**

## **5F: Qinnuteqaat – Nunani Tamalaani Katersugaasiviit Ulluat**

Najukkami Ataatsimiititaliaq ulloq 15. marsi 2019-imi Nuummi Eqqumiitsulianik Saqqummersitsivimmit aningaasanik qinnuteqaammik tigusaqarpoq. Nunani Tamalaani Katersugaasiviit Ulluat ingerlanneqarnissaanut kingornalu ulluni 18. maaji – 31. juuli 2019-imi saqqummersitsinissamut takutitsinissamullu (performance art) katillugit 26.000 koruuninik qinnuteqartoqarpoq.

Qinnuteqaat malillugu Nunani Tamalaani Katersugaasiviit Ulluanut qulequtaq siunertarlu tassaavoq:

*”Qulequtaq: Katersugaasiviit Kulturimik Katersugaasivittut: Ileqqut Siunissaat (Museums as Cultural Hubs: The Future of Tradition). Nunani Tamalaani Katersugaasiviit Ulluanni ukioq manna qulequtaasoq malillugu Nuummi Eqqumiitsulianik Saqqummersitsivimmi eqqumiitsulianik katersat uummarsarniarlugit Nuummi Eqqumiitsulianik Saqqummersitsiviup Natasha Pedersen suleqatigaa. Taamaalilluta Nuummi Eqqumiitsulianik Saqqummersitsiviup katersaanik Kalaallit Nunaannilu eqqumiitsulioriaatsit nutaaliaasut ataqatigiissinnissai kissaatigaarput. Nataschap Nuummi Eqqumiitsulianik Saqqummersitsiviup eqqumiitsulianik katersai isumassarsiorfigissavai, modelillu sisamat takutitsisussat isikkussaat assigiinngitsut suliarineqassapput.*

*Taakkulu modelit takutitsisussat sisamat Nuummi Eqqumiitsulianik Saqqummersitsivimmi maajip 18-anni saqqummersitsinermi ilaassapput akunnerni marlunni takutitsillutik. Isiginnaartitsinertalimmik takutitsisoqassaaq, tassa modelit takutitsisut Nuummi Eqqumiitsulianik Saqqummersitsivimmi saqqummersitat akornanni ingerlaassammata. Assiliisoqassaaq. Suliniut naggaserlugu Inuiattut Ullorsiornermi juunip 21-anni pisumit assilisanik saqqummersitsisoqassaaq.*

*Tamatuma kingorna eqqumiitsuliaq pillugu Natascha Pedersen oqaloqatigineqassaaq. Assit aamma Nuummi Eqqumiitsulianik Saqqummersitsivimmi, Natasha Pedersenip nammineq inuit attaveqaataanni quppernerani atorineqassapput, taamaalilluni Colourful Nuup Nuuk Eventimik nittarsaassinera Nuummi Eqqumiitsulianik Saqqummersitsiviata avataanut siammarterneqassaaq.”*

Saaffigisat tassaapput innuttaasut tamarmik qassinilluunniit ukioqaraluarpata, eqqumiitsulianik kulturimillu soqutigisallit. Aaqquissuusaq akeqanngilaq tamanullu ammalluni.

Uku ilanngussatut nassiunneqarput: qinnuteqaat, suliniummik nassuiaat missingersuullu.

### **Allatseqarfimmiit oqaaseqaatit**

Kommuneqarfik Sermersuumi Aningaasaateqarfik Sermermut 30.000 koruunit qinnutigineqarsimapput.

### **Inassuteqaat**

Inassuteqaatigineqarpoq:

- Nuummi Najukkami Ataatsimiititaliamit qinnuteqaat oqaluuserineqassasoq, siunertamullu aningaasanik tapiissuteqartoqassanersoq aalajangiiffigineqarluni

### **Ilanngussat**

1 Qinnuteqaat, suliniummik nassuiaat missingersuullu

## **Beslutning**

### **Aalajangiineq**

Nivi Christensenip eqqumiitsulianik saqqummersitsivimmi pisortatut suliamut attuumavallaarnini nalunaarutigalugu inimit anivoq.

Aalajangerneqarpoq Nuummi Najukkami Ataatsimiititaliaq siunertamut 26.000 kr.-nik tapiissuteqassasoq neriutigalugulu Nuuk suliniutikkut nunat tamat akornanni ilisimaneqalissasoq.

# Punkt 5G: Qinnuteqaat – Nuuk Nordisk Kulturfestival 2019

## 5G: Qinnuteqaat – Nuuk Nordisk Kulturfestival 2019

2019-imi Nuuk Nordiskip ingerlannissaanut aningaasatigut tapiiffigineqarnissaq pillugu Kalaallit Nunaanni Nordens Institutimit (NAPA) qinnuteqaat Najukkami Ataatsimiititaliap 2019-imi marsip ulluisa 27-anni tiguaa. Festivali 2019-imi oktobarip ulluisa arfineq-aappaanniit 13-iannut ingerlanneqassaaq, tassanilu kalaallit nunanilu allaniit eqqumiitsuliortut 250-it missaanniittut aaqqissuussanik, saqqummersitanik, tusarnaartitsinernik, kulturikkut oqallinnernik il. il. 300-nik amerlanerusunik suliaqassapput. Katillugit 300.000 koruunit qinnuteqaatigineqarput.

Qinnuteqaat ilanngussaq 1-itut ilanngunneqarpoq. Qinnuteqaammi ilaatigut ima allaqqavoq:

*"(...) Festivalertitsinikkut nunani avannarlerni suleqatigiinneq kulturilu Kalaallit Nunatsinni malunnartinniarneqarpoq. Illoqarfik Nuup Nunallu avannarliit sinnerisa akornanni ataqatigiilernissaq anguniarparput.*

*Nuuk Nordisk Nuummi innuttaasunut tamanut sammitinneqarpoq. Ukioq allortarlugu festivalertitsisoqartarpoq namminerlu ingerlannerulerneqarnissaa siunertaalluni, tamannalu ima isumaqarpoq akissaqartut pilersaarummik pilersungaaramik namminneq akilertassallugu. Aammali meeqqat, inuusuttut taavalu peqataanissamut akissaqanngitsut pilersitsinitsigut peqataatikkusuppavut. Ilaatigullu Najukkami Ataatsimiititaliamit tapersorsorneqarnissarput pinngitsoorsinnaanngilluinnarparput. Ukioq 2019-imi meeqqat inuusuttullu ataasiakkaatut nutaaliorsinnaanerannut periarfissaat immikkut sammissavavut, taakkuupput suliniuteqarnissaminnut periarfissaqartut malittarisassaqtullu. Aammattaq Nuuk Nordisk naligiissitaanermik pingaartitsissaaq - arnat angutillu eqqarsaatigalugit, aammali oqaatsit, tikikkuminartuuneq taavalu aningaasaqarneq ilanngullugit. Ukioq manna festivalertitsinissamut suleqatigiiaartut grupperujussuanngorlugit ataatsimut qulequtassamik toqqaapput tassaasoq "ANGERLARSIMAFFIK". Angerlarsimaffik assigiinngitsutigit paasineqassaaq oqariartuutigineqassallunilu taassumalu qulequtaaraa naleqqunnerpaat tassaasinnaapput "Nuummut angerlaravit tikilluarit", "Kikkut sumi angerlarsimaffeqarpat?", "Nammineq suliat", "Angerlarsimaffiit assigiit aamma assigiinngitsut", "Angerlarserneq" aamma allarpassuit. Taamaalilluta neriuppugut festivalimi pisussat ataqatigiissumik pilersikkumaarlutigit.*

*Festivali eqqarsaatigalugu eqqumiitsuliat kulturilu sapinngisamik amerlanerpaanut sammitinneqarnissaat - aamma Nuuk Nordiskip pilersaarutai eqqarsaatigalugittaaq. Taamaattumik Nuummi angerlarsimaffeqanngitsunut illoqarfimmilu ikinnerussuteqartunut ilissi ikiuinissigut tajanik akeqanngitsunik agguassissaagut. Illoqarfiup immikkoortuini tamanut ammasuni sammissassarpassuit pisortallu suliffeqarfutai innuttaasunut peqataasunut tamanut akeqanngitsuutinneqassapput ammaannartinneqassallutillu. (...)"*

### Allatseqarfirmmit oqaaseqaatit:

Ukioq 2019-imi Nuuk Nordisk Kommuneqarfik Sermersuumit katillugit 800.000 koruuninik aningaasaliiffigineqarpoq.

Kommunip 2019-imut missingersuutaaniit 300.000 koruunit kiisalu Aningaasaateqarfik Sermeq aqputigalugu 500.000 koruuninik immikkoortitsisoqarpoq.

### Inassuteqaat

Inassuteqaatigineqarpoq:

- Nuummi Najukkami Ataatsimiititaliap qinnuteqaat eqqartussagaa siunertamullu aningaasatigut tapiissuteqartoqassanersoq aalajangiilluni.

### Ilanngussaq

1. Qinnuteqaat – Nuuk Nordisk

### Beslutning

### Aalajangiineq

Aalajangerneqarpoq Nuummi Najukkami Ataatsimiititaliaq siunertamut 300.000 kr-nik tapiissuteqassasoq.

Arfinillit akuersipput, ataaseq akerliuvoq ataaserlu taaseqataanani.

# Punkt 5H: Qinnuteqaat - Uanga Timera Projekt

## 5H. Qinnuteqaat - Uanga Timera Projekt

Marsip ulluisa 27-t, 2019 Najukkami Ataatsimiititaliami ilaasortaq Naleraq Eugenius suliniummut Uanga Timera-mut aningaasanik tapiissuteqarnissaq pillugu siunnersuummik nassitsivoq, atuarfinnut tamanut 1-3 klassini atuarnut tulluurtumik isiginnaagassiaasumut. Nuummi Najukkami Ataatsimiititaliaq katillugit 200.000 koruuninik qinnuteqarpoq.

Uanga Timera pillugu suliniummut allaaserisami ilaatigut ima allassimasoqarpoq:

*”Isiginnaagassiami siunertaavoq, ajornartorsiulerfimmi piviusuusaartitsinerup ingerlanneqarnissaa, tassani meeqqat ajornartorsiulinnginneranni sukkannerusumik qisuariarnissaat, ajornartorsiorneq ajorsivissunnginnerani iluarsitinnissaaq pillugu. Isiginnaartitsineq klassini takutinneqassaaq meeqqat atuqaatitik ilagalugit toqqissisimanissaat pillugu. Tassannga isiginnaagassiap pissuserlunneq pissuserissaarnerlu takutissavaa, meeqqat ilinniutigisinnaasaat, tamanna takutinneqassaaq erinarsorneq nipilersornerlu atorlugit, aamma pappimik isiginnaartitsisut sanaanik takussutissaqassaaq, tamakkulu Teater Trattofon Sverigemeersunit suliarineqassaaq.*

*Isiginnaagassiaq Nalle Laanela-it ilitersorneqassaaq soorlu aamma taanna ”Kaassassuk” aamma ”Juulimaaq” ingerlanneqarneranni ilitersuisimasoq. Isiginnaartitsisut tassaassapput Nukakkuluk Kreutzmann aamma Klaus Geisler, Nunatsinni ilinniarsimasut aamma Hans-Ole nipilersorneq saniatigullu teknikki isumagisussaavai. Meeqqat pillugit kattuffiit suleqatigaavut taamaalilluni isiginnaartitsineq tamanut ilinniutaasinnaangorlugi suliaavoq, isiginnaartitsinerullu nalaani ajornartorsiutinik immikkuullarissunik pilersoaqassagaluarpat eqqumaffigisinnaassavut”.*

Isiginnaagassiaq najoqqutassiatut sanaavoq taannalu taaneqartarpoq ”forum teater”. Forum teater amerlanertigut atorneqartarpoq isiginnaagassiap ingerlanneqarneranni ajornartorsiulerfimmi, tassani isiginnaartut ajornartorsiut iluarsiniarlugu qinnuigineqartarput peqataaqkullugit. Taamaalilluni ingerlarngata nalaani meeqqat oqaloqatigineqarsinnaapput.

### Allatseqarfimmit oqaaseqaatit:

Meeqqanut Atuarfeqarnermullu Ingerlatsivik oqaaseqarpoq, ingerlatsiviup siornatigut suliniut taanna tusarsimanagu taamaattumik suliniutip siunertaa isumaalu pillugit sukumiinerusumik paasisaqarusuppoq. Atuarfiup ilinniartitsinerata nalaani sammisassaqaassappat imaluunniit isiginnaartitsisoqassappat atuarfiup pisortaa qanimut suleqatigalugu oqaloqatigalugulu ingerlanneqartussaavoq, taamaalilluni susassaqaarfiup iluani suliniutinut allanut ataqatigiissarlugu ingerlanneqarsinnaammat, soorlu assersuutigalugu atuarfinit meeqqat pisinnaatitaaffiat MIO aamma Nakuusa suleqatigineqarsinnaasut. Meeqqanut Atuarfeqarnermullu Ingerlatsiviup innersuussutigaa, Nuummi Najukkami Ataatsimiititaliaq siunertamut aningaasanik tapiiffigineqassanngitsaq, Suliniut Uanga Timera aamma Meeqqanut Atuarfeqarnermullu Ingerlatsivik akunnerminni oqaloqatigeeqqaartinnagit.

Sermeq puljen aamma uanga Timera-mit qinnuteqaat itigartitsissutigaaq ilinniakkatigut sorleq tunngavigineqarnerisooq qulakkeerneqannginnera patsisigalugu. Suliniut immi ajunngikkaluortoq kisianni tassa ilinniakkatigut atorfillit ilaannit pitsaaneruseqarnissaq pisariaqartinneqarpoq.

Kommunimi Kultureqarnermut Aqqissuusaanermullu immikkoortortaqarfiup oqaatigaattaq, allatseqarfimmit piumasarineqarnerusooq suliniut Kulturikkut isumassarsiorfik aqutagalugu atuarfiit suliniummik neqeroorfigineqarnissaat.

### Inassutigineqartoq

Inassutigineqarpoq:

- Nuummi Najukkami Ataatsimiititaliaq qinnuteqaat eqqartussagaat siunertamullu aningaasanik tunniussisoqassanersooq aalajangerlugu.

### Ilanngussat

1 Qinnuteqaat/siunnersuut

2 Pilersaarut tamakkerlugu Missingersuutit Pingaarnerit

3 Suliniutip allaaserineqarnera – DK

4 Suliniutip allaaserineqarnera - KAL

## **Beslutning**

### **Aalajangiineq**

Naleraq Eugeniusip suliamut attuumassuteqarpallaarnini nalunaarutigalugu inimit anivoq.

Nuummi Najukkami Ataatsimiititaliaq aalajangiivoq Uanga Timera pillugu siunissami suleqatigiinnissamik Meeqqanut Atuarfeqarnermullu Ingerlatsivik nalunaaruteqassappat suliniummut 100.000 kr.-nik tapiissuteqartoqassasoq.

## **Punkt 5I: Qinnuteqaat – Sisorarfiit, illiniliuygut**

### **5I: Qinnuteqaat – Sisorarfiit, illiniliuut**

Najukkami ataatsimiititaliap ulloq 28. marsi 2019, Sisorarfinniit illiniliuummik pisinissamut aningaasanik tapiiffigineqarnissamik qinnuteqaataat tiguneqarpoq. Qinnuteqaatigineqartut katillugit 2.746.812 koruuniupput.

Qinnuteqaat ilanngussaq 1-tut ilanngunneqarpoq. Qinnuteqaammi ilaatigut ima allassimavoq:

*“(…) Maannakkorpiaq maskiinamik nutaamik pisinissamut aningaasanik atorfissaqartitsivugut.*

*Aningaasaateqarfiup maskiinat illiniliuutit sisamat pigivai nutaanerpaarluni 2015-imeersuuvoq. Ila pingasut 1992-imit, 1997-imit 2007-imiillu pigineqarput. Maskiinat pingasuusut tamarmik nungullarput, akuttunngitsumillu atorsinnaajunnaartarput. Kommunimit sipaarniarneq pissutaalluni maskiinamik nutaamik pisinissamut immikkut tapiissuteqartoqarsinnaanngilaq taamaattumillu nammineerluta aningaasanik ujaasinissaq qinersimavarput. Oqaatigineqassaaq maskiinaq nutaap ataatsip maskiinat pisoqqat marluk taarsersinnaassagai taamaalilluni illernit løjpillu siornatigutut pitsaassuseqartissinnaagai. Sisorarfiit aningaasaateqarfiuvoq namminersorluni inuussutissarsiuteqartuusoq. Aningaasaateqarfik ukiut tamaasa ingerlatsinissamut Kommuneqarfik Sermersuumit 2,7 millioner koruuninik tapiiffigineqartarpoq. Ingerlatsinermi ukiumut 4,5-5 millioner koruunit missaat kaaviiartinneqartarput.*

*Sisorarfiit majuaratit pingasut ingerlatarei, 2 km missaanik isorartussusilinnik illineqartut, 20 km langrend-ertunut illernit aamma 5 km snescooterinut illernit. (...) Ulluinnarni meeqqat 18-t angullugit ukiulinnut utoqqalinersialinnullu akeqanngitsumik sisorarnermi illernit atorneqarsinnaapput. Sisorartunut illernit illoqarfiup innuttaasuinut akeqanngillat, takornarianut tikeraanut ilaalu ilanngullugit Sisorarfiillu isumagisassaraat pingaarneq illoqarfimmi innuttaasut ukiumi silami peqqinnartumik sammisaqarnissaannut periarfissaqartitsinissaaq.”*

#### **Inassuteqaat**

Inassuteqaatigineqarpoq:

- Nuummi Najukkami ataatsimiititaliap qinnuteqaat oqaluuserissagaa siunertamullu aningaasanik tapiissuteqarnissaaq aalajangiiffigissallugu.

#### **Ilanngussaq**

1 Qinnuteqaat – Sisorarfiit

#### **Beslutning**

##### **Aalajangiineq**

Nuummi Sumiiffimmi Ataatsimiititaliap imatut oqaaseqaateqarluni qinnuteqaat itigartippaa:

Nuummi Najukkami Ataatsimiititaliap sisorarfimmi nutaamik illiniliuuteqarnissamik pisariaqartitsineq akuersaarpaa aammalu Nuummi pitsaassuseqarlartunik alpinimik sisorarfissaqarnissamik sisoraatnik arpaffissaqarnissaa pingaaruteqartoq.

Aningaasaqarnermut Ataatsimiititaliap Najukkami Ataatsimiititaliap aningaasanik tamanut aningaasat atugassai 2019-imi immikkoortunut pingaarnertut arfinilinnut agguanneqarnissaat ulloq 13. decembari 2018 akueraa, taamaalilluni aningaasat sapinngisamik siamasissumik ukioqassutsinilu tamani innuttaasunut amerlanerpaanut iluaqutissanngorlugit atorneqassallutik. Najukkami Ataatsimiititaliaq taamaalilluni siunertamut ataatsimut ukiumut missingersuutit tamarmiusut amerlanersaasa tapiissutiginnissaannut periarfissaqanngilaq.

Nuummi Najukkami Ataatsimiititaliaq inassuteqaateqarpoq Sisorarfik Kommunilu ajornartorsiummut aaqqiissutissamik nassaarniarlutik oqaloqatigiissasut.

## **Punkt 5J: Qinnuteqaat – Chefs in Residence, Sermersuumi Inuussutissarsiornermut Siunnersuisooqatigiit**

### **5J: Qinnuteqaat – Chefs in Residence, Sermersuumi Inuussutissarsiornermut Siunnersuisooqatigiit**

Najukkami Ataatsimiititaliaq 28. marsi 2019-imi suliniummut Chefs in Residence-mut aningaasatigut tapiiffigineqarnissamik Sermersuumi Inuussutissarsiornermut Siunnersuisooqatigiinnit qinnuteqaammik tigusaqarpoq. Katillugit 170.200 koruunit qinnuteqaatigineqarput.

Qinnuteqaat ilanngussaq 1-itut ilanngunneqarpoq. Qinnuteqaammi ilaatigut allaqqavoq:

*”Suliniut Chefs in residence tassaavoq Nuummi aamma Austurlandimi (Islandip Kangiatungaani) igasut pikkorissut paarlaasseqatigiinnerat, suliniutikkut siunertaalluni:*

- *Najukkami nerisaqariaaseq nerisassallu pillugit oqaloqatigiinnermi sumiiffimmi inuiaqatigiinnik akuutitsineq*
- *Nerisassanik misileraanermi, akuutitsinermi nalilersuinermilu nutaaliorneq ineriartortitsinerlu*
- *Ilaatigut inuttut suliatigullu ineriartornissaq, nerisassanik ilisimasaqarnerunissaq nutaanillu isumassarsiornissaq pillugit avitseqatigiinneq*
- *Imminnut qaaqqoqatigiinnikkut nutaamik isiginneriaaseqarluni ulluinnarni aqqusaartakkanik misigisaqatigiinneq. Periusarisartakkavut immaqa allanut alutornarsinnaappat?*
- *”Chefs in Residence”-ikkut avitseqatigiittalernissamik neqeroorutigineqarsinnaasut pillugit aalajangersimasumik suleqatigiittalernissamik toqqammaviliinissaq*
- *Nunat avannarliit akornanni inuussutissarsiornikkullu suleqatigiinneq, taamaalillunilu angalarusulersitsisunik najugaqalernissamullu kajumissaataasunik aaqquissuussanik pissanganartunik neqerooruteqartoqarsinnaassalluni*
- *Austurland aamma Colourful Nuuk Atlantikup avannarpasissuani nerisat tungaasigut ornitassaqqissutut nittarsanneqarnissaat ussassaartiginissaallu.*

*Sumiiffimmi innuttaasut inuussutissarsiortullu suliniummi akuutinneqarput, tassa pissanganartunik aaqquissuussanik tunngaviliinissamut ineriartortitsinissamullu aamma/imaluunniit sumiiffimmi nerisaqariaaseq sumiiffimmilu nerisassat pillugit workshopertitsinissamik aallaaveqarluni.”*

#### **Allatseqarfirmmit oqaaseqaatit:**

Qinnuteqaat Kultureqarnermut Aaqquissuussinermullu Immikkoortortamit taperserneqarpoq. Austurlandimik suleqateqarniarneq suliniullu aqquqigalugu ilisimasanik avitseqatigiinniarneq Kultureqarnermut Aaqquissuussinermullu Immikkoortortamit isumalluarnartinneqangaatsiarpoq.

Tamatuma saniatigut neriutigaarput, suliniutip Nuummi ineriartortinneqarnissaanut aggersarneqarumarluta aamma illoqarfitsinni aaqquissuussisoqalrpat sulisutigut tunniussaqaqataanissamut piareersimavugut.

Ingerlanneqarnissaanut atatillugu innersuussutigiinnarsinnaavarput Nuuk Nordisk Kulturfestival 2019 Nuummi sapaatip akunnerani 41-mi ingerlanneqassamat. Piffissamut tassanga aallartitanut pilersaarusiornissaq iluaqutaassagalarpoq.

#### **Inassuteqaat**

Inassuteqaatigineqassaaq:

- Qinnuteqaat Nuummi Najukkami Ataatsimiititaliamit eqqartorneqassasoq, siunertamullu tapiissuteqartoqassanersoq aalajangiiffigalugu.

#### **Ilanngussaq**

1. Qinnuteqaat
2. Suliassap allaaserineqarnera
3. Missingersuutit

## **Beslutning**

### **Aalajangiineq**

Nummi Najukkami Ataatsimiititaliap imatut oqaaseqateqarluni qinnuteqaat itigartippaa:

Nummi Najukkami Ataatsimiititaliaq isumaqarpoq suliniut isumassarsiatsialaasoq, suliniummili Najukkami Ataatsimiititaliap Nummi siamasissumut anngunnissaa innuttaasullu sumiiffinnilu najugaqartut peqatigiinnissaannut tunngatillugu tapiissuteqarnissamut tunngavii suliniummi naammattumik malinneqanngitsut.

(Tallimat akkerliupput, marluk taaseqataangillat ataaserlu akuersilluni).

## **Punkt 5K: Qinnuteqaat – Suliniut Law Shifters, Nuummi Eqquitsulianik Saqqummersitsivik**

### **5K: Qinnuteqaat – Suliniut Law Shifters, Nuummi Eqquitsulianik Saqqummersitsivik**

Najukkami Ataatsimiititaliamit apriliip ulluisa aappaani 2019 Nuummi Eqqumiitsulianik saqqummersitsivimmit aningaasatigut tapiiffigineqarnissamik qinnuteqaat, tamat oqartussaaqataanerat pillugu suliniutip Law Shifters 2019-mi juulimit decembarimut saqqummersinnissaanut, tiguneqarpoq.

Qinnuteqaatigineqarput katillugit 60.000 koruunit.

Qinnuteqaat ilanngussaq 1-tut ilanngunneqarpoq. Qinnuteqaammi ilaatigut ima allassivoq:

*”Suliniut Law Shifters inuusuttuni naalakkersuinikkut isummanik oqallitsitsinermik pilersitsisarpoq, ileqqorinnissamut isummanik, naapertuulluartumik misiginissamut, eqqartuussisimanerit ilumoortut eqqartuussivigeqqittarlugit inatsisissanik nutaanik allannermikkut, ullumikkut piviusumik inuuneq peqataaffigisartik eqqarsaatigalugu.*

*Nuummi atuarfinni workshoppertitsinissamut aningaasanik pissarsiorpugut aamma Nuummi Eqqumiitsulianik saqqummersitsivimmut (inatsisinut maskiinamik?) ilanngullugu illoqarfimmi angallanneqarsinnaasoq assersuutigalugu atuarfinnut, kommunimi innuttaasunik sullissivimmut, Nunat Avannarliit Nuummiinneranni assigisaanullu atugassamik.*

*Law Shifters inatsisinut maskiinaavoq Nuummi Eqqumiitsulianik saqqummersitsivimmi saqqummersitassaq meeqqat inuusuttullu inatsisiliaannik milluaasussaq. Inatsisissatut siunnersuutit taakku inatsisilerituunit inatsisilerinermut oqaasinngorlugit allanneqassapput, illoqarfimmi plakatinnngorlugit ataavartumik saqqummersinneqartartussat internetsilu aqqutigalugu Law Shifters nittartagaatigut aamma Nuummi Eqqumiitsulianik saqqummersitsiviup nittartagaatigut Facebookiatigullu. Peqatigitillugu saqqummersitsiviup atuarfimmu tunngasortaani workshoppertitsisoqartassaaq tassani atuartut ilinniartullu eqqartuussisimanerit pisoqaanerusut eqqartuussivigeqqittassavaat inatsisilerituut suleqatigalugit.*

*Suliniut aamma ilaassaaq Nunat Avannarliit Nuumi Kulturikkut pikialaartitsilerpata oktobarimi 2019 NIPÁ, Nordens Institut på Åland, suleqatigalugu. Åland aamma nunaavoq namminersortoq sapaatip akunnerani pikialaartitsiviusumi kalaallit meerartaasa inuusuttaasalu inatsisissatut siunnersuutaat illoqarfimmi Ålandimiut meerartaasa inuusuttaasalu inatsisissatut siunnersuutaat akuleriisillugit takussaatinneqartarumaarput.*

*Sullitassat tassaapput Meeqqat inuusuttullu. Kisiannili kikkulluunniit eqqumiitsulianik saqqummersitsivimmut pulaartut inatsit sunaanersooq eqqarsaatigisinnaavaat aamma inatsisissatut siunnersuusiorsinnaapput inatsisissanut maskiinamullu tunniullugu.”*

#### **Allatseqarfimmit oqaaseqaatit:**

Suliniutip ilaa kommunip kulturikkut isumassarsiorfianut ilaasoq Eqqumiitsulianik saqqummersitsiviup atuarfimmu tunngasortaani suleqatigiissutigineqartoq ingerlanneqassaaq, taannalu ukiut tamaasa Nuummit meeqqanit 1000 missaannit aqqusaarneqartarpoq. Ingerlanneqassaaq/workshopiussaaq saqqummersitsivimmi ingerlasooq, ilinniartitsisut namminneerlutik inniminersinnaasaat.

Suliniutip ilaa eqqarsaatigalugu naleqquttuussaaq Meeqqanut Atuarfimmullu Ingerlatsivik suleqatigissallugu suliniutip suliniummullu nioqqtissiat, plakatit, atuagaq filmilu atuarfinnut ingerlateqqinnissai eqqarsaatigalugit.

#### **Inassuteqaat**

Inassuteqaatigineqarpoq:

- Nuummi Najukkami Ataatsimiititaliap qinnuteqaat oqaluuserissagaa aamma siunertaq aningaasaliiffigineqassanersoq aalajangissallugu.

## **Ilanngussaq**

1 Qinnuteqaat

Suliniummik allaaserisat marluk, missingersuut, suleqatigiinnissamik isumaqatigiissutit

## **Beslutning**

### **Aalajangiineq**

Nivi Christensenip eqqumiitsulianik saggummersitsivimmi pisortatut suliamut attuumavallaarnini nalunaarutigalugu inimit anivoq.

Aalajangerneqarpoq Najukkami Ataatsimiititaliaq siunertamut 60.000 kr.-nik tapiissuteqassasoq.

Najukkami Ataatsimiititaliaq isumaqarpoq isumassarsiatsialaasoq, neriutugalugulu atuarfiit suliniut nukarliunerusut tamat oqartussaanerannik paasitseqataasinnaasoq akuersaassagaat.

## **Punkt 6: Taasariaqartut allat**

### **Beslutning**

Suariartornermut Nungusaataanngitsumillu Atuinissamut aamma kommunimi illoqarfimmut pilersarusiornermullu immikkoortortaqarfik Najukkami Ataatsimiititaliamut saaffiginnipput qinnuiviginnillutillu illoqarfimmi pitsaanerusumik allagarsiisarnissaq pillugu suleqatigiissitaliamut ataatsimik ilaasortaataqaleqqullugu. Nivi Christensen suleqatigiissitaliami ilaasortatut qinerneqarpoq.

## **Punkt 7: Imaqarniliap akuerineqarnera**

Imaqarniliaq ilaasortanut e-mailikkut akuerisassanngorlugu nassiunneqassaaq.

### **Beslutning**

Imaqarniliaq akuerineqarpoq tallimanngorneq ulloq 12. april kl. 12.00